



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/21-3-40-506-6/21**
Datum: **24.11.2021. god**

«Agencija za vodno područje rijeke Save» Sarajevo rješavajući po zahtjevu pravnog lica «EKO-SERVIS» d.o.o. Tešanj za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških i oborinskih onečišćenih otpadnih voda u prirodni recipijent sa lokaliteta kompleksa objekta za skladištenje i preradu sekundarnih sirovina sa postrojenjem za prečišćavanje otpadnih voda i uljnih emulzija izgrađenog u Poslovnoj zoni «Vila» općina Tešanj, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), donosi

R J E Š E N J E **o vodnoj dozvoli**

1. Pravnom licu, «EKO-SERVIS» d.o.o. Tešanj daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških i oborinskih onečišćenih otpadnih voda u prirodni recipijent sa lokaliteta kompleksa objekta za skladištenje i preradu sekundarnih sirovina sa postrojenjem za prečišćavanje otpadnih voda i uljnih emulzija izgrađenog u Poslovnoj zoni «Vila» na zemljištu označenom kao k.č. broj: 5/7 K.O. Novo Selo, općina Tešanj.
2. Ova vodna dozvola se odnosi isključivo za ispuštanje tehnoloških otpadnih voda u prirodni recipijent za kompleksa objekta definisan tačkom 1. ovog Rješenja i ne oslobađa podnosioca zahtjeva obaveze pribavljanja vodne dozvole za ispuštanje sanitarno-fekalnih otpadnih voda, a za čije izdavanje je nadležno Ministarstvo za poljoprivredu, šumarstvo i vodoprivredu Zeničko-dobojskog kantona ili općina, ukoliko je kantonalnim propisom prenesena nadležnost na općinu, shodno stavu (3) istog člana zakona.
3. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz sljedeće uslove:
 - 3.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 3.2. Da se, za vrijeme trajanja ove dozvole, obezbjeđuje da se tehnološke otpadne vode sa prostora pretakališta zajedno sa oborinskim onečišćenim vodama sa radnih i manipulativnih površina, nesmetano sakupljaju i odvođe do objekta predviđenog za tretman tehnoloških otpadnih voda (separator ulja i masti), a zatim ovako tretirane vode ispuštaju u postojeći oborinski kolektor a potom u rijeku Tešanjku.
 - 3.3. Da se, za vrijeme trajanja ove dozvole, obezbjeđuje kontrolisan rad postrojenja za tretman otpadnih voda i uljnih emulzija te da se prečišćene vode nakon tretmana ispuštaju preko okna za monitoring u obližnji potok sa krajnjim ispustom u postojeći oborinski kolektor odnosno u rijeku Tešanjku.
 - 3.4. Prečišćene vode, prije ispuštanja u recipijent (na oba mjerna mjesta), moraju ostati u maksimalno dopuštenim granicama definisanim članom 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 3.5. Objekte čija je svrha odvođenje i prečišćavanje tehnoloških otpadnih voda (postrojenje za tretman otpadnih voda i uljnih emulzija, separator ulja i masti, slivnici, kanalizaciona mreža,) treba redovno održavati i koristiti na način koji će obezbijediti njihovu potpunu ispravnost i funkcionalnost. Korisnik je obavezan da redovno vodi dnevnik o pražnjenju i odvozu sadržaja separatora ulja i masti i koncentrata iz instaliranog postrojenja.

- 3.6. Korisnik objekata je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz oba okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- 3.7. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.8. Talog iz separatora, koncentrat iz postrojenja kao i ostali opasni i neopasni otpad se ne smije ni privremeno odlagati na česticu «vodno dobro», odnosno u vodotoke i na njegove obale.
- 3.9. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo istjecanje i rasipanje opasnih i štetnih materija u tlo i vode).
- 3.10. Investitor je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisane evidencije te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, Korisnik je dužan provoditi sve mjere i aktivnosti propisane istom.
6. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik predmetnog objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
8. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. U ovoj upravnoj stvari plaćene su sve upravne pristojbe.
11. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 2 (dvije) godine od dana pravosnažnosti ovog rješenja.
12. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
13. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice, «EKO-SERVIS» d.o.o. Tešanj, dana 22.10.2021. godine, podnijelo je zahtjev za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških i oborinskih onečišćenih otpadnih voda u prirodni recipijent sa lokaliteta kompleksa objekta za skladištenje i preradu sekundarnih sirovina sa postrojenjem za prečišćavanje otpadnih voda i uljnih emulzija izgrađenog u Poslovnoj zoni «Vila» na zemljištu označenom kao k.č. broj: 5/7 K.O. Novo Selo, općina Tešanj.

Dopisom broj: UP-I/21-3-40-506-2/21 od 29.10.2021. godine od Investitora je, u skladu sa članom 12. i članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20), traženo da dopuni dokumentaciju, što je i urađeno u ostavljenom roku.

U provedenom postupku dostavljena je i pregledana sljedeća dokumentacija:

- Ovjerena kopija aktuelnog izvoda iz sudskog registra broj: 043-0-RegZ-21-002233 izdatog dana 20.08.2021. godine od strane Općinskog suda u Zenici,
- Ovjerena kopija uvjerenja o poreznoj registraciji izdatog 26.10.2017. godine od strane Porezne uprave Federacije BiH – Kantonalni porezni ured Zenica,
- Ovjerena kopija uvjerenja o registraciji/upisu u Jedinствeni registar obveznika indirektnih poreza broj: 04/1-17-1-UPJR/1-6997-2/17 izdatog dana 27.11.2017. godine od strane Uprave za indirektno – neizravno oporezivanje Banja Luka,
- Ovjerena kopija Obavještenja o razvrstavanju pravnog lica prema klasifikaciji djelatnosti broj: 07-32.5-58828/17 izdatog dana 27.10.2017. godine od strane Službe za statistiku Zeničko-dobojskog kantona,
- Kopija Rješenja o okolinskoj dozvoli broj: 12-23-3002-1/14 izdatog dana 26.11.2020. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona (za skladištenje i tretman sekundarnih sirovina),
- Kopija Rješenja o vodnoj dozvoli broj: UP-I/25-3-40-396-4/16 izdatog dana 17.10.2016. godine od strane «Agencije za vodno područje rijeke Save» Sarajevo,
- Ovjerena kopija Rješenja o upotrebi građevine broj: 12-23-4130 izdatog dana 13.12.2011. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o okolišnoj dozvoli za sistem prečišćavanja otpadnih voda broj: UPI-05/2-23-11-42/16 izdatog dana 06.06.2016. godine od strane Federalnog ministarstva okoliša i turizma Sarajevo (za sistem za prečišćavanje otpadnih voda i uljnih emulzija),
- Kopija Upotrebne dozvole za sredstvo rada i opremu broj: EZ-M-245-1/16 za uređaj za filtraciju SEFT GDF/D10 10l/sec (mehanički tretman) otpadnih voda i uljnih emulzija izdat 07.10.2016. godine od strane «ESTA» d.o.o. Busovača,
- Kopija Upotrebne dozvole za sredstvo rada i opremu broj: EZ-M-387-11/21 za postrojenje za recikliranje otpadnih voda EKO 2000 DPE-HP kapaciteta 80l/h izdat 28.05.2021. godine od strane «ESTA» d.o.o. Busovača,
- Kopija Izvještaja o monitoringu kvaliteta i kvantiteta otpadnih voda urađenih od strane «TQM» d.o.o. Lukavac za juni i novembar 2020. godine (br: P1/2 i P2/2) i maj 2021. godine (br P1/2),
- Kopija Ugovora o preuzimanju, skladištenju i zbrinjavanju opasnog otpada zaključenog dana 23.03.2021. godine između «EKO-SERVIS» d.o.o. Tešanj i «KEMOKOP» d.o.o. Tuzla,
- Projekat izvedenog stanja vanjskih hidroinstalacija za «EKO-SERVIS» d.o.o. Tešanj urađen od strane «TQM» d.o.o. Lukavac (reg broj: 10-131/21; br protokola: 3489/21, oktobar 2021. godine) - na uvid,
- Kopija zahtjeva za obnovu okolinske dozvole upućenog 29.09.2021. godine nadležnom Federalnom ministarstvu okoliša i turizma Sarajevo,
- Dokaz o uplaćenju upravnoj taksi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata, («Službene novine Federacije BiH», broj 31/15, 55/19 i 41/20), izvršen je obilazak predmetnog objekta u Poslovnoj zoni «Vila» u Tešnju i tom prilikom sačinjen je zapisnik o uviđaju broj: UP-I/21-3-40-506-5/21 od 18.11.2021. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Predmetni poslovni kompleks površine oko 3400m² izgrađen je uz lokalnu saobraćajnicu Tešanjka-Tešanj u Poslovnoj zoni Vila u Tešnju. Kompleks čine objekti za skladištenje, otkup i preradu sekundarnih sirovina, administrativni objekat, objekat za radnike, kolska vaga, mlin za sitnjenje čeličnog otpada, nadstrešnice, zatvorena metalna hala, manipulativni prostori, parking prostor, radionica za održavanje vozila i opreme, kotlovnica te ostali infrastrukturni objekti. Kapacitet prerade je oko 10.000 tona/god. Sve radne, manipulativne i saobraćajne površine su uređene i asfaltirane sa riješenim sistemom odvodnje onečišćenih voda.
- U sklopu kompleksa, u zatvorenoj hali instalirano je postrojenje za prečišćavanje otpadnih voda i uljnih emulzija koje se sastoji od uređaja za filtraciju (predtretman SEFT GDF/D 10) i postrojenja Vakum evaporator ECO 2000 DPE-HP za koje je od strane Federalnog ministarstva okoliša i turizma, Sarajevo dana 06.06.2016. godine izdato Rješenje o okolinskoj dozvoli broj: UPI-05/2-23-11-42/16 (dana 29.09.2021. godine podnesen zahtjev za obnovu). Postrojenje ECO 2000 DPE-HP se odlikuje jednostavnošću konstrukcije i instalacija a primjenjuje se za prečišćavanje otpadnih vodenih rastvora, pjenastih tekućina, uljnih emulzija od finalne obrade vibracijom istrošenih kupki, otpadnih voda iz procesa ljevanja u kalupima pod pritiskom, otpadnih voda iz procesa galvanizacije.
- Nakon tretmana u postrojenju, izdvojene/prečišćene vode se ispuštaju u obližnji potok a potom u postojeći oborinski kolektor. Prečišćavanje otpadnih voda se izvodi u zatvorenom sistemu, pri čemu otpadne materije (koncentrat) koje se produkuju u ovom procesu se privremeno skladište u odgovarajuće posude.
- Tehnološke otpadne vode sa radnih površina koje nastaju pri pretakanju otpadnih voda i uljnih emulzija (iz posuda u kojima su dopremljene sa drugih lokaliteta) u dvije cisterne zapremine 5.000lit i pri doziranju iz posuda za privremeno skladištenje u uređaj SEFT GDF/D 10 i u postrojenje ECO 2000 DPE-HP, se zajedno sa onečišćenim oborinskim vodama sa radnog platoa i manipulativnih površina, prikupljaju kanalizacionim sistemom sa slivnim rešetkama i rigolima i odvođe na tretman u separator ulja i masti sa koalescentnim filterom kapaciteta 20l/sec. Prečišćene vode se preko okna za monitoring ispuštaju u kolektor oborinske kanalizacije Ø1000mm (lociran u putnom pojasu) sa krajnjim ispustom u rijeku Tešanjku.
- Privremeno skladištenje otpadnih voda i uljnih emulzija dopremljenih od producenata ovih voda i emulzija kao i koncentrata iz procesa predtretmana i konačnog prečišćavanja vrši se u metalnim bačvama zapremine 220lit i plastičnim kanisterima zapremine 1.000lit smještenim u natkrivenoj, zatvorenoj hali. Sa ovlaštenom institucijom «KEMOKOP» d.o.o. Tuzla zaključen je Ugovor o zbrinjavanju opasnog otpada iz instaliranog separatora ulja i masti i koncentrata iz postrojenja ECO 2000 DPE-HP.
- Oborinske vode sa krovova objekata i nadstrešnica se prikupljaju zasebnim kanalizacionim sistemom sa ispustom u oborinski /putni kolektor odnosno u rijeku Tešanjku.
- Snabdijevanje pitkom vodom za sanitarne potrebe uposlenih i hidrantsku mrežu riješeno je priključkom na gradski vodovodni sistem a sanitarno-fekalne vode iz sanitarnog bloka za uposlene se prikupljaju zasebnom kanalizacionom mrežom i ispuštaju u septičku jamu.

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog postrojenja i aktivnosti na stanje voda i vodni režim, podnosiocu zahtjeva su ovom vodom dozvolom u tački 3. dispozitiva Rješenja propisani uslovi kojih se dužan pridržavati prilikom korištenja objekta u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i člana 14. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, «EKO-SERVIS» d.o.o. Tešanj ispunio minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških i oborinskih onečišćenih otpadnih voda u prirodni recipijent sa lokaliteta kompleksa objekta za skladištenje i preradu sekundarnih sirovina sa postrojenjem za prečišćavanje otpadnih voda i uljnih emulzija izgrađenog u Poslovnoj zoni «Vila», općina Tešanj, te je riješeno kao u dispozitivu ovog Rješenja.

Uplaćeni su i posebni troškovi prema Zaključku ove Agencije broj: UP-I/21-3-40-506-2/21 od 16.11.2021. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.


Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermine Hodžić, dipl.ing.građ.

Po ovlaštenju

Rukovodilac sektora za izdavanje vodnih akata



Haris Ališehović, dipl.ing.građ.

Dostaviti:

- «EKO-SERVIS» d.o.o. Tešanj
Poslovna zona «Vila» br 41, 74260 Tešanj
- AVP Sava, ISV-vodna knjiga
- Sektor 50
- Sektor 40 – arhiva
- oglasna ploča – AVP Sava